

SCRIPT OF MORNING GOJRI NEWS BULLETIN 10SEP 1015 HRS

مارننگ گو جری نیوز بلیٹن مورخہ 10 ستمبر 2025

یوہ آکا شوانی جموں ہے عبدالرحمان تین خبر سُنو۔

VP ELECT

این ڈی اے گا اُمید وار تے مہاشترہ گا گورنر سی پی رادھا کرشن بھارت گا نواں نائب صدر جمہوریہ ویں گا اُنہاں نے آئی این ڈی اے گا اُمیدوار تے سابقہ سپریم کورٹ جج بی شدرشن ریڈی نانہہ 152 ووٹاں غا فرق سنگ شکست دتی ہے جناب رادھا کرشن نے 452 ووٹ حاصل کیا ہیں جدکہ اناگ حریف بی شدرشن ریڈی نانہہ 300 ووٹ ملیا اپنی پہلی عوامی تقریر مانہہ نائب صدر مُنتخب سی پی رادھا کرشن نے کہیو ہے جے یاہ ہر بھارتی غی جیت ہے تے اگر بھارت نانہہ 2047 توڑی ترقی یافتہ ملک بنائو ہے تاں سب نانہہ مل غے کم کرنو وے گو صدر جمہوریہ محترمہ درویدی مرمو تے وزیر اعظم نریندر مودی نے نائب صدر غا انتخاب مانہہ کامیابی ور اُنہاں نانہہ مبارک باد دتی ہے اسے دوران لیفٹیننٹ گورنر منوج سنہا نے وی سی پی رادھا کرشن ہوراں نانہہ نائب صدر غا طور ور مُنتخب ہون ور مبارک باد دتی ہے تے کہیو ہے جے اُن غی گہری بصیرت نظریو تے عوامی خدمت غو وسیع تجربو ملک غی ترقی تے خوشحالی غا سفر نانہہ مزید مضبوط کرے غو۔

LG SAMBA

لیفٹیننٹ گورنر منوج سنہا نے سانبہ غا منہاساں علاقہ مانہہ سیلاب متاثرہ خانداناں واسطے مغممہ صحت تے ایمر جموں غے زیر اہتمام لایا گیا صحت کیمپ غو دورو کیو اس موقع ور لوکاں سنگ گل بات کرتا واں ایل جی موصوف نے یقین دوايو جے متاثرہ ٹہانچہ غی بھالی تے مرمت واسطے بھرپور تعاون فراہم کی وجے غو اُنہاں نے کہیو جے مرکزی جموں کشمیر انتظامیہ فوری امداد تے مکمل بحالی واسطے پُر عزم ہیں کساناں ور اثرات نانہہ اُجاگر کرتا واں اُنہاں نے زور دتو جے وے پردہان منتری فصل بیمہ یوجان تے ایچ اے ڈی پی غا فوائد تیں مستفید ویں لیفٹیننٹ گورنر موصوف نے ایمر وجے پور غے نیڑے تباہ شدہ دیوک پُل غو وی معائنو کیو تے فوری مرمت غی ہدایت دتی۔

CM WEDDING DEST

وزیر اعلیٰ عمر عبداللہ نے کہیو ہے جے جموں کشمیر مانہہ ڈپسی نیشن ویڈینگ واسطے بے پناہ صلاحیت موجود ہیں تے اس نانہہ بروئے کار لیاں واسطے اقدامات جاری ہیں تانجے یوہ خطو ملک مانہہ شادی سیاحت غو دار لحکومت بن سکے وے شیر کشمیر بین العوامی کنووکیشن مرکز مانہہ تقریبات صنعتی بھارتیہ چیمبر غے زیر اہتمام ہندوستان 2025 شادی پلانر ایکسپو غو افتتاح کرتا واں گل کر رہیا تھا وزیر اعلیٰ نے کہیو جے کشمیر اپنی قدرتی خوبسورتی غے باعث عالمی سطح ور مشہور بے تے شادی سیاحت غے نال نال تفریح مہم جوئی مزہبی زیارت و سرحدی سیاحت واسطے وی بشمار موقع فراہم کرے اُنہاں نے مزید کہیو جے شادی کشمیر مانہہ غو نعرہ ایک ایسی مہم ہے جہڑی خوشحالی تے ترقی نانہہ فروغ دے غی۔

KULGAM OP GUDDAR

حفاظتی دستان نے ایک بڑی کامیابی حاصل کی ہے کیونجے کُلگام ضلع مانہہ سوموار غی سویر نانہہ شروع ہون آلو اپریشن گداد 2 سخت گیر لشکر طیبہ غا دہشت گرداں غی ہلاکت ور اختتام پزیر ہووے بھارتیہ فوج غی چنار کمانڈ غے مطابق ہلاک ہون آلا دہشت گرداں غی پشان پاکستانی شہری رحمان تے درام دورہ شوپیان غا بسنیک عاصر احمد ڈار غا طورور ہوئی ہے حفاظتی دستان نے جائے وقوع تیں اسلحو گولہ باروڈ تے دوجو جنگی سامان وی برآمد کیو ہے فوج نے کہیو ہے جے اوہ جموں کشمیر نانہہ دہشت گردی تیں پال رکھن غا عزم ور قائم ہے۔

GST REFORM HANDICRAFTS

جموں کشمیر پہر غا رہائشیاں تے تاجراں نے حکومت غی طرفوں حال ہی مانہ جی ایس ٹی شرح مانہ کمی غو خیر مقدم کی وے اچ ہم دستکاری غا شعبہ مانہ کی گئی اصلاحات ور نظر پاواں اس مہینہ غی 22 تاریخ تیں بکھ بکھ قسم غی دستکاری اشیاء ور جی ایس ٹی ور 12 فی صد تیں کہتا غے صرف 5 فی صد کردتو گیو ہے ان مانہ لکڑی تے دھات غایت اصل پیٹنگز نقش شدہ لکڑی غی مصنوعات مٹی گا برتن رسوئی غو سامان تے سجاوئی فن پارہ شامل ہیں اس قدم گو مقصد دیہی روز اگر مانہ اضافو روایی بُر مانہ فروغ تے بھارتیہ دستکاری نانہ عالمی سطح ور زیادہ مسابقتی بنانو بے صارفین تے آکاشوانی نیوز جموں نانہ دسیو ہے جے اس فیصلہ سنگ بہت ضروری رلیف ملیو ہے تے یوہ لوکاں نانہ زیادہ مقامی مصنوعات خریدن غی ترغیب دے گو۔

EXAM POSTPONED

ڈائریکٹر اکیڈمکس جے کے بوس غے مطابق اچ واسطے تہ شدہ 10 ویں تے 11 ویں جماعتاں غا امتحانات پورا جموں کشمیر تے لداخ مانہ ملتوی کردتا گیا ہیں اس غی وجہ ڈوڈہ ضلع مانہ امن وامان غی صورتحال تے عوامی نقل و حرکت وٹرانسپورٹ ور پابندی ہیں ڈائریکٹر اکیڈمکس جے کے بوس نے فیصلو سناتاں واں طلبہ غی حفاظت نانہ اولین ترجیح قرار دتو نویں امتحانی تاریخاں غو اعلان جلد ہی کی و جے گو طلبہ تے والدین نانہ مشورو دتو گیو ہے جے وے سرکاری ذرائع بارے باخبر رہیں کیونجے حکام صورتحال ور قریبی نظر رکھیا واں ہیں۔

SCHOOL REOPENS

جموں مانہ سکول اچ آف لائن کلاساں واسطے کھل گیا ہیں کئی دنن تک شدید بارشاں تے سیلاب غ وجہ سنگ بند رہنتیں بعد سکولاں غو دوبارہ کھلنو طلبہ تے اساتذہ واسطے ایک اہم قدم ہے جہڑہ کہ حالیہ موسمی روکاوٹاں سنگ متاثر ہوو عہدے داراں نے اس گل نانہ یقینی بناو جے کلاس شروع کرنتیں پہلاں تمام حفاظتی انتظامات کیا گیا ہیں طلبہ تے والدین نیسکول کھلن غو خیر مقدم کیوہے تے امید ظاہر کی ہے جے یوہ خطو سیلاب غا اثرات تیں نکلتاں واں بلا روکاوٹ تعلیمی کاروائیاں در آگے بدھے گو۔

NATIONAL HIGHWAY

جموں سرینگر قومی شاہراہ غو اچ چھوٹی گڈیاں واسطے دوبارہ کھلن غا امکان ہے جہڑی کہ لگاتار 9 دنن توڑی بند رہی ہے بھارتیہ قومی شاہراہ اتھارٹی نے کہیو ہے جے پاری گڈیاں غی نقال و حرکت غو فیصلو صورتحال غے مطابق کیو جے غو۔ کیونجے مسافراں غی حفاظت سب تیں بری ترجیح ہے اسے دوران مُغل سڑک ور ٹریسک مشورہ غے مطابق چل رہی ہے۔

PTC ANN

علاقائی خبراں آلا شعبہ آکاشوانی جموں غی طرفوں ضلع جموں واسطے عارضی نامہ نگاراں یعنی پی ٹی سی واسطے درخواست منگی گئی ہیں مجوزہ پرفارم ور عارضی نامہ نگار غی پوسٹ مانہ دلچسپی رکھن آلا ایسا امیدوار درخواست دے سکیں گا جہڑا ضلع جموں گا بسنیک وین تے اُن غی عمر 24 براں تیں 50 براں غے بشکار وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا صحافت غا شعبہ مانہ ڈگری یافر تسلیم شدہ یونیورسٹی تیں گرجویشن غے ہمراہ 2 براں غو صحافت مانہ تجربو مقرر کیو گیو ہے۔ اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات تے میڈیا کوریج مانہ تجربو وی ضروری ہے۔ عارضی نامہ نگار غی پوسٹ مانہ دلچسپی رکھن آلا امیدوار واسطے لازمی ہے جے ضلع صدر دفتر جموں یا اس تیں 10 کلو میٹر غادائرہ غے اندر رہائش پزیر وے اس سلسلہ مانہ درخواست غی ہارڈ کاپی ضروری دستاویزات غے ہمراہ ہیڈ ریجنل نیوز یونٹ آکاشوانی پنچترتھی جموں مانہ بڑات خود آئیندہ 14 ستمبر 2025 توڑی دے سکیں۔ اس بارے مزید جانکاری ویب سائٹ

www.newsonair.gov.in-بے دستیاب ہے

NEWS READ BY ABDUL REHMAN
NEWS EDITOR ABHILASHA SHARMA

TECH ASST PALLAVI
DEO NUSRAT